

Star sii

Pedi Fritz

Ich wott en Star sii, Geld ha wie Heu
alles verzapfe ohni dasi irgendwas bereu
mini Meinig zellt, denn ich bin de Chef i dem Gschäft
drum bini no so fräch, gsehn diä Welt vo obe wie en Specht
doch wichtig isch ich blibe echt, denn ich mache was i wott
setze mich für gueti Mensche ii und lifere de Support
ich glaube nöd a Gott, zumindescht nöd a dine
min treue Begleiter wommer halt git sind mini Ziile, 24/7
ich bruch diä zum Fiire und Chille
das alli s'Gliche chönd fühle, das isch min allergroschte Wille
lah di gah, du bruchsch mi da, so wunderbar und abnormal
du frögsh di grad, wie das wohl gaht, verrat doch mal, verdammt namal
gseh die Welt so klar, wird s'Böse eus au bald verlah
henkemer eus as Guete dra, düemer alli zeme stah bis s'Herzli ufhört schlah
de ganzi Scheiss us eus uselah
hoffe die Gschicht wird wahr, ich wird en Superstar, baybää

2x Ref

Ich wott en Star sii
mit allne Eggä und Kantä
e neu Single schriebe und debi
en Nummer 1 Hit lande
ich wott en Star sii
mit allne Eggä und Facette
mis ganze Lebe uf das setze
bis ich irgendwann verrecke
(ich wott en Star sii)

Badi

Und das nöd für es volls Konto
ich ha immer krampfede nebedbi und min Shit nöd gunne im Lotto
mach das Ganze richtig und zwar pronto
jede söll das wüsse, ich schrei das id Welt use, bis nach Toronto
wott jede uf de Bühne erreiche, eues Lebe berichre
wott dir es Bild im Lebe mache, dini Tapete bestriche
nöd jede wot s'Gliche, doch mis Ziel unterschriebi
ich han mich nie grad gmacht für Anderi, ich bin so und so bliebi
ich wott en Star sii, doch bliebi uf em Bode
weni wott flüge, bini schnell vo da ines anders Land gfloge
bruch kei Garderobe und muess mich au nöd verkleide
viel Mensche träge Maskene und wänd sich nöd zeige
ich bin niä eleige und übertriebes bis zum Ledschte
bis ich verrecke und mich am Schluss z'fride inen Sarg lege
mis Herzli ufhört schlah, will ich kä Pfus me ha zum akere
mis Lebe glebt ha, alles was bleibt, sind mini Plattene

Sanic Production «Nöd ganz putzt»

2 x Ref

Bridge

oooh ich wott en Star sii - Star sii - Star sii

oooh ich wott en Star sii - Star sii

Ich wott en Star sii

Badi

Au wenn das nie wird passiere
wird mich mis Lebe nöd stresse oder völlig frustriere
schiehn als Star im Himmel, nach mim Tod zum uskuriere
luege obe abe und muess alles tolleriere
ich lebe für de Moment au wenn mich kein Mensch kennt
uf de Bühne wotti trotzdem no vieles Neus usprobiere
Musig mache isch e Herzensahglegeheit
ich weiss ihr werded's nie verstah, doch mir isch das so lang wie breit

Die ganzi Ziet für d'Musig, chan eus niemert näh
je meh eus schlussentli fiired, desto meh chönd mir eu gäh
lönd eus aber für das nöd verbüege
wenn en Star denn eso
wie mer sind und eus jede söll kenne du Hoe
gib eus en Beat und 2 Mikrofon du Buebli
denn machemer dis hässliche Reggaeton zu Chrut und Rüebl
alles was no wird passiere hät doch schienbar en Grund
wemmers nöd zum Star schaffed, ja den simmer halt Kult

2 x Ref

Bridge

2x Ref